



REPUBLIKA E SHQIPËRISË  
ENTI RREGULLATOR I ENERGJISË  
BORDI

VENDIM

Nr. 161, Datë 05.06.2026

MBI

**ZGJATJEN E AFATIT TË VENDIMMARRJES SË BORDIT TË ERE-S LIDHUR ME SHQYRTIMIN E KËRKESËS SË SHOQËRISË “DRINI BULQIZË” SH.P.K. PËR TRANSFERIMIN E PLOTË TË LICENCËS SË PRODHIMIT TË ENERGJISË ELEKTRIKE TE SHOQËRIA “HEC POLEMI” SH.P.K.**

Në mbështetje të neneve 16, 20, gërma “a”, dhe 44, pika 1 të ligjit nr. 43/2015 “Për sektorin e energjisë elektrike”, i ndryshuar; nenit 14, pika 3 Rregullores për procedurat dhe afatet për dhënien, modifikimin, transferimin, rinovimin, njohjen dhe heqjen e licencave në sektorin e energjisë elektrike, të miratuar me vendimin e bordit të Entit Rregullator të Energjisë (ERE) nr. 109, datë 29.06.2016, e ndryshuar; si dhe nenit 15 të Rregullores për organizimin, funksionimin dhe procedurat e ERE-s, të miratuar me vendimin e bordit të ERE-s nr. 96, datë 17.06.2016; Bordi i ERE-s, në mbledhjen e tij të datës 05.06.2026, mbasi shqyrtoi relacionin me nr. 1005/8 prot., datë 03.06.2026, të përgatitur nga Drejtoria e Licencimit, Autorizimeve dhe Garancisë së Origjinës “Mbi kërkesën e shoqërisë “DRINI BULQIZE” sh.p.k. për transferimin e plotë të licencës së prodhimit të energjisë elektrike te shoqëria “HEC Polemi” sh.p.k.”,

**Konstatohet se:**

- Shoqëria “DRINI BULQIZE” sh.p.k. është mbajtëse e licencës nr. 577, Seria P24, dhënë me vendimin e bordit të ERE-s nr. 77, datë 29.04.2024, në veprimtarinë e prodhimit të energjisë elektrike, nga HEC “Polemi”, me kapacitet të instaluar 1.751 MW, me vendndodhje në pellgun ujëmbledhës mbi tre degëzimet e Përroit të Neshtës, Degë e Zallit të Kostenjës, Bashkia Librazhd, Qarku Elbasan, për një afat 30-vjeçar.
- Në vijim të aplikimit të shoqërisë, të depozituar me shkresën e protokolluar në ERE me nr. 1005 prot., datë 30.03.2026 dhe dokumentacionit plotësues, të përcjellë me shkresën nr. 1005/1 prot., datë 07.04.2026, bordi i ERE-s me vendimin nr. 117, datë 24.04.2026, vendosi të fillojë procedurat për transferimin e plotë të licencës së shoqërisë si dhe për dhënien e autorizimit për transferimin e asetëve të paluajtshme të HEC Polemit, nga shoqëria “DRINI BULQIZË” sh.p.k. te “HEC Polemi” sh.p.k.
- ERE botoi njoftimin në median e shkruar për fillimin e kësaj procedure (në datat 25.04.2026 dhe 27.04.2026) dhe në përfundim të afatit të pritjes së komenteve apo objeksioneve nga të tretët (data 04.05.2026), nuk rezultoi të ketë të tilla. Njoftimi për fillimin e procedurës u botua edhe në rrjetet sociale dhe në faqen e internetit të ERE-s.
- Me shkresën nr. 1005/3 prot., datë 07.05.2026, ERE ka njoftuar shoqërinë për vendimet e fillimit të procedurave respektive dhe në referencë të përcaktimeve të nenit 17 të Rregullores së licencimit dhe nenit 7 të Rregullores së procedurave të transferimit të asetëve nga të licencuarit, ERE i ka bërë me dije informacionin/dokumentacionin që nevojitet të plotësohet në aplikimin e saj.

- Me shkresën e protokolluar në ERE me nr. 1005/6 prot., datë 12.05.2026, shoqëria ka kthyer përgjigje, por nuk ka depozituar të gjithë dokumentacionin e kërkuar, nga ku rezulton se duhet të depozitohet ende: *shtojcën 1; qëndrimin e bankës për transferimin e aseteve; miratimin/qëndrimin e organit përkatës përgjegjës në lidhje me transferimin apo përdorimin e lejes së ujit; të bëjë përditësimet mbi miratimet apo qëndrimet përaktëse mbi cdo dokument tjetër që i nënshtrohet transferimit; qëndrimin e MIE-s; si dhe kontratën e transferimit dhe shkresën drejtuar MIE-s në format origjinal ose fotokopje të njësuar me origjinalin.* Në lidhje me depozitimin e këtij dokumentacioni, është vlerësuar dhe përgatitur shkresa përkatëse për shoqërinë “DRINI BULQIZE” sh.p.k.
- Po ashtu, për vendimin e fillimit të procedurave nr. 117/2026, ERE ka njoftuar dhe MIE-n, nëpërmjet shkresës nr. 1005/4 prot., datë 07.05.2026, duke i kërkuar asaj që të bëjë me dije nëse nga ana e saj ka një qëndrim ndryshe në lidhje me transferimin e licencës dhe aseteve të shoqërisë.
- Me shkresën e protokolluar në ERE me nr. 1005/7 prot., datë 28.05.2026, MIE ka bërë me dije se mbajtësi i miratimit, shoqëria “DRINI BULQIZE” sh.p.k., ka depozituar pranë saj kërkesën për miratimin e ristrukturimit organizativ apo transferimin e aktivitetit, shkresë të cilën shoqëria e ka vënë dhe në dispozicion të ERE-s, në kuadër të aplikimit për transferim. Po ashtu, MIE ka parashtruar se në kontratën e nënshkruar midis palëve, cilësohet se “*Për cdo transferim të aksioneve/kapitalit themeltar tek të tretët, mbajtësi i miratimit duhet të marrë pëlqimin paraprak të ministrisë*” dhe se kërkesa e shoqërisë është ende në fazë shqyrtimi nga ana e saj.
- Në vijim, ERE ka vlerësuar dhe përgatitur shkresën përkatëse për MIE-n, duke i sjellë në vëmendje se, sikurse njoftuar më herët, ERE ka nisur procedurat për transferimin e licencës dhe transferimin e aseteve të paluajtshme të shoqërisë “DRINI BULQIZE” sh.p.k. te shoqëria “HEC Polemi” sh.p.k. dhe jo për ndryshimin e ortakut që kontrollon interesat e saj, por gjithsesi do të mbajë në konsideratë vlerësimin e MIE-s, duke i kërkuar që të depozitohet qëndrimin e saj në lidhje me sa referuar.
- Në referencë të përcaktimeve të nenit 14, pika 3 të “*Rregullores për procedurat dhe afatet për dhënie, modifikimin, transferimin, rinovimin, njohjen dhe heqjen e licencave në sektorin e energjisë elektrike*”, të miratuar me vendimin e bordit të ERE-s nr. 109, datë 29.06.2016, e ndryshuar, dhe me qëllim për të zhvilluar korrespondencën vijuese me shoqërinë dhe MIE-n dhe depozitimin e informacionit/dokumentacionit përkatës prej tyre, vlerësohet që të zgjatet deri në 30 (tridhjetë) ditë afati i vendimmarrjes së bordit të ERE-s në lidhje me transferimin e plotë të licencës dhe transferimin e aseteve paluajtshme të HEC “Polemit”, nga shoqëria “DRINI BULQIZE” sh.p.k. te shoqëria “HEC Polemi” sh.p.k.

Për gjithë sa më sipër, bordi i ERE-s,

#### **Vendosi:**

1. Të zgjasë deri në 30 (tridhjetë) ditë afatin e vendimmarrjes mbi transferimin e licencës nr. 577, Seria P24, dhënë shoqërisë “DRINI BULQIZE” sh.p.k. me vendimin e bordit të ERE-s nr. 77, datë 29.04.2024 për veprimtarinë e prodhimit të energjisë elektrike nga HEC “Polemi”, me kapacitet të instaluar 1.751 MW, te shoqëria “HEC Polemi” sh.p.k..

2. Të zgjasë deri në 30 (tridhjetë) ditë afatin e vendimmarrjes për marrjen e autorizimit nga ERE për transferimin e aseteve të paluajtshme të HEC “Polemit”, nga shoqëria “DRINI BULQIZE” sh.p.k. te shoqëria “HEC Polemi” sh.p.k.
3. Shoqëria “DRINI BULQIZE” sh.p.k. duhet të depozitojë dokumentacionin e kërkuar brenda 20 (njëzet) ditëve.
4. Drejtoria e Licencimit, Autorizimeve dhe Garancisë së Origjinës të njoftojë shoqërinë “DRINI BULQIZË ” sh.p.k., për vendimin e bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

**KRYETARI**  
**Petrit AHMETI**